

ՏԱՐԵԼԻՑ

ՕԳՈՍՏՈՍՅԱՆ ՊԱՏԵՐԱԶՄԻՅ՝ 11 ՏԱՐԻ ԱՆՅ



Հենց նրանց անկախությունը եւ քանիցս հայտարարեց, որ այդ որոշումը վերանայման ենթակա չէ... ահա օգոստոսյան պատերազմի հետեւանքները:


Օգոստոսի 8-ին Վրաստանի նախագահ Սալոմե Ջուրաբիշվիլին, վարչապետ Սամուկա Բախտաձեն, խորհրդարանի նախագահ Արչիլ Թալակվաձեն, Վրաստանի գործադիր եւ օրենսդիր մարմինների, հասարակական կազմակերպություն-

ների ներկայացուցիչներն այցելեցին Թբիլիսիի Մուխաթավերդիի եղբայրական գերեզմանատուն եւ ծաղիկներ խոնարհեցին 2008 թվականի օգոստոսյան իրադարձությունների ժամանակ զոհված զինվորների շիրիմներին:

Վրաստանի վարչապետի կարգադրությամբ, օգոստոսի 8-ի լույս գիշերվանից, կառավարության վարչակազմի շենքի, նախագահական պալատի, խորհրդարանի եւ վարչական

(Շարունակությունը՝ 4-րդ էջում)

ՍԱՀՄԱՆԱԴՐԱԿԱՆ ՆԱԽԱՁԵՆՈՒԹՅՈՒՆ



ՆԵՐԿԱՅԱՑՎԵՑԻՆ ԸՆՏՐԱԿԱՆ ՕՐԵՆՍԳՐՔԻ ՓՈՓՈԽՈՒԹՅՈՒՆՆԵՐԸ

Օգոստոսի 6-ին Վրաստանի խորհրդարանի նախագահ Արչիլ Թալակվաձեն երկրի ընդհանուր ռեֆերենդում, քաղաքացիական հասարակությանն ու միջազգային գործընկերներին ներկայացրեց՝ «Վրացական երազանք-ժողովրդավարական Վրաստան» կառավարող կուսակցության կողմից ընտրական օրենսգրքում փոփոխություններ եւ լրացումներ կատարելու մասին նախագիծը:

Ըստ խորհրդարանի նախագահի՝ ամենաեական փոփոխությունը վերաբերում է ընտրական խառը համակարգի միայն համասնական ընտրակարգին անցմանը: Սահմանադրական նախաձեռնության համաձայն, 2020 թվականի խորհրդարանական ընտրություններն անց են կացվելու միայն համամասնական ընտրակարգով եւ զրոյական ընտ-

րաշենով: Ներկայացվող փոփոխությունները նախատեսում են նաեւ ընտրական օրենսդրության այլ նորամուծություններ: Մասնավորապես, կուսակցության ֆինանսավորման համակարգը կփոխարինվի առավել արդար եւ օբյեկտիվ մոդելով՝ կուսակցությունը, որը կստանա առնվազն մեկ խորհրդարանական մանդատ, կստանա ֆինանսավորում նոր, թա-

փանցիկ եւ հասկանալի բանաձեւով՝ ըստ ստացած ձայների թվի, իսկ փոքր կուսակցությունները կստանան համեմատաբար ավելի շատ ֆինանսավորում: Ընտրությունների արդյունքներով խորհրդարան մտնող կուսակցությունը, որի ցուցակում յուրաքանչյուր երեք անդամից մեկը այլ սեռի ներկայացուցիչ կլի-

(Շարունակությունը՝ 4-րդ էջում)

ԲՈՒՐ

ԱԶԳԱՅԻՆ ՔՆՆՈՒԹՅՈՒՆՆԵՐԻ ՄՈՂԵԼԸ ՓՈԽՎՈՒՄ Է ՉՈՐՍԻ ՓՈԽԱՐԵՆ՝ ԵՐԵՔ ՊԱՐՏԱԴԻՐ

Կրթության համալիրի բարեփոխման շրջանակներում, 2020 թվականին, դիմորդները միասնական ազգային քննությունները կհանձնեն նոր մոդելով:

Նորամուծության կապակցությամբ Վրաստանի կրթության, գիտության, մշակույթի եւ սպորտի նախարար Միխեիլ Բատիաշվիլին եւ Գնահատման ու քննությունների ազգային կենտրոնի ղեկավար Սոփո Գորգոձեն անցկացրին համատեղ մամուլի ասուլիս:

Ինչպես նշվեց մամուլի ասուլիսում, 2020 թվականից դիմորդները միասնական ազգային քննությունները կհանձնեն նոր մոդելով՝ 4-ի փոխարեն հանձնելով 3 քննություն:

Նոր մոդելով կրճատվում է պարտադիր քննա-



կան առարկաների քանակը, 4 պարտադիր քննությունը կդառնա՝ 3, ինչպես նաեւ փոխվում է գնահատման ծրագիրը:

(Շարունակությունը՝ 5-րդ էջում)

ՀԱՅԱՍՏԱՆ

ՄԵԿՆԱՐԿԵՅԻՆ 7-ՐԴ ՀԱՄԱՀԱՅՎԱԿԱՆ ԽԱՂԵՐԸ

Օգոստոսի 6-ին, Համահայկական խաղերի պատմության մեջ առաջին անգամ հանդիսավոր բացումը անցկացվեց Ստեփանակերտում, իսկ մրցաշարերը սկսվեցին օգոստոսի 9-ին՝ Երեւանում: Խաղերին այս տարի մասնակցում է 35 պետություն, 161 քաղաք: Ընդհանուր առմամբ մոտ 5300 մասնակից: Մասնակիցների թվում են նաեւ Թբիլիսիի (140 մասնակից՝ 14 մարզածեւում), Ախալքալաքի (42 մասնակից՝ 4 մարզածեւում), Նինոծմինդայի (40 մասնակից՝ 4 մարզածեւում) ներկայացուցիչները:



Բացման արարողությանը ներկա էին Հայաստանի վարչապետ Նիկոլ Փաշինյանը, Արցախի Հանրապետության նախագահ Բակո

Սահակյանը եւ այլ բարձրաստիճան պաշտոնյաներ ու Սփյուռքի ներկայացուցիչներ:

(Շարունակությունը՝ 7-րդ էջում)

ՏԱՐԱԾԱՇՐՋԱՆԱՅԻՆ ԱՅՑ

ՄԵԾԱՄԱՍՆԱԿԱՆ ԶՈՐՍ ՊԱՏՊԱՍՎՈՐՆԵՐԻ ՔՆՆԱՐԿՄԱՆ ԹԵՄԱՆ ԵՆԹԱԿԱՌՈՒՅՑԱՅԻՆ ՆԱԽԱԳԾԵՐՆ ԷՆ

Օգոստոսի 1-ին, Բվենո Քարթլիի Ծալկայի մունիցիպալտետում կայացավ Վրաստանի ենթակառուցվածքի եւ տարածաշրջանային զարգացման նախարարի տեղակալներ Իրակլի Քարսելաձեի, Իլիա Բեգիաշվիլի եւ հանդիպումը՝ Սամցխե-Ջավախեթիի նահանգապետ Բեսարիոն Ամիրանաշվիլի, Բվենո Քարթլիի նահանգապետ Շոթա Ռեխվիաշվիլի, Աջարիայի, Խուլուխի, Շուախեթիի եւ Քեդայի մեծամասնական պատգամավոր Անգոր Բուքվաձեի, Նինոծմինդայի մեծամասնական պատգամավոր Հենգել Սկոյանի եւ Ծալկայի, Դմանիսիի մեծամասնական պատգամավոր Կախաբեր Օքրիաշվիլի հետ:

Քննարկված հարցերի շարքում, մասնավորապես, խոսվել է Ծալկայի մունիցիպալիտետի խմելու ջրի մատակարարման ցանցի խնդիրների, ճանապարհների ասֆալտապատման, շինարարական-վերականգման աշխատանքների, ինչպես նաեւ՝ Դաշբաշի կիրճի ապակե կամրջի ծրագրային աշխատանքների մասին:

ՇՐՋԱՆՈՒՄ ԻՐԱԿԱՆԱՎՈՐ ՆԱԽԱԳԾԵՐԸ ՊԵՏԷ Է ՀԱՄԱՁԱՅՆԵՅՆԵԼ ՏԵՂԻ ԲՆԱԿԻՉՆԵՐԻ ՀԵՏ

Վրաստանի Հաշտեցման եւ քաղաքացիական իրավահավասարության հարցերով պետնախարարի տեղակալ Լիա Գիզաուրի, Սամցխե-Ջավախեթիի տարածաշրջան կատարած այցի շրջանակներում, այցելեց Նինոծմինդայի մունիցիպալիտետի Փոկա, Վադիմերովկա, Տամրովկա գյուղեր, հանդիպումներ ունեցավ տեղի բնակիչների հետ:



Փոխպետնախարարին, տարածաշրջանային այցի ժամանակ, ուղեկցում ու կայացած հանդիպումներին մասնակցում էին

Սամցխե-Ջավախեթիի երկրամասի նահանգապետ Բեսիկ Ամիրանյանը:

(Շարունակությունը՝ 2-րդ էջում)

ՍՈՑԻԱԼԱԿԱՆ

35 ԱՆՈՒՆ ԴԵՂԱՄԻՋՈՑ՝ ՄԵԿ ԼԱՐԻՈՎ



Ելույթ ունենալով շնորհանդեսին վարչապետը նշեց. «Աշխատատեղերի հետ մեկտեղ, ամենացավալի խնդիրը, որն այսօր ծառացած է մեր ժողովրդի առջև, բժշկական ծառայությունների անմատչելիությունն է, եւ ցանկանում եմ հասկապես ընդգծել դեղամիջոցների գների մատչելիությունը»: Ըստ վարչապետի, սա հույժ կարեւոր հանգամանք է.

«Ինչպես գիտեք, սա իմ առաջնային առաջադրանք է, որ դրել եմ առողջապահության եւ ֆինանսների նախարարությունների առջև, եւ այսօր մենք ունենք կոնկրետ արդյունք, որի համաձայն՝ թոշակառուները, սոցիալապես անապահով եւ սահմանափակ հնարավորություններ ունեցող անձինք կկարողանան քրոնիկ հիվանդու-

Օգոստոսի 8-ին, Թբիլիսիի սակրեբուլոյի շենքում անցկացվեց երկրի կառավարության նախաձեռնած նոր նախագծի շնորհանդեսը: Սոցիալական բնույթի տվյալ նախագիծը նախատեսում է կենսաթոշակառուների եւ այլ կատեգորիաների քաղաքացիների համար խորհրդանշական մեկ լարի գումարով շուրջ 35 ամուսն դեղամիջոցի հանձնում:

թյունների բուժման 35 ամուսն դեղամիջոց գնել՝ մեկ լարիով», - հայտարարեց վարչապետը՝ հավելելով, որ ծրագիրը ներառում է ամենատարածված քրոնիկ հիվանդությունները՝ սրտանոթային, վահանաձեւ գեղձի, թոքերի, շաքարախտի, էպիլեպսիայի եւ Պարկինսոնի հիվանդությունները:

- Ցանկանում եմ բոլորիդ խոստանալ, որ նշված ծրագիրը կշարունակվի, եւ ցանկը կընդլայնվի: Այսօրվանից ողջ Վրաստանի տարածքով գործարկվել է նշված ծրագիրը, եւ

մեր քաղաքացիները կարող են երկրի 118 դեղատներում, նշված դեղամիջոցները գնել մեկ լարիով:

Սա կարելու է, որպեսզի սկսենք լուծել խնդիրները, որոնք առկա են մեր հասարակության մեջ, էկոնոմիկայում, - նշել է Մամուկա Բախտաձեն:

Դրա հետ մեկտեղ, վարչապետի խոսքով, նշված ծրագիրը քննարկվում է որպես աղքատության դեմ պայքարին ուղղված քայլ:

ԱՐԵՎԻԿԱ ՄԱՆՈՒԿՅԱՆ

ՕՐԻՆԱՆԱԽԱԳԻԾ

ԱՎՏՈՄԵՔԵՆԱՆԵՐԻ ՊԱՐՏԱԴԻՐ ԱՊԱՅՈՎԱԳՐՈՒԹՅՈՒՆԸ ԿՐԿԻՆ ՈՒԺԻ ՄԵՋ Է

Վրաստանի կառավարության նախապատրաստած օրինանախագծի համաձայն,՝ ավտոմեքենաների պարտադիր ապահովագրությունն ուժի մեջ էր մտնելու 2019 թվականի հուլիսի 1-ից, սակայն, հարցի քննարկումը տեղափոխվել էր խորհրդարանի աշնանային նստաշրջան:

Օրինագծով սահմանվում են նվազագույն եւ առավելագույն ապահովագրական փաթեթներ, որոնք պարտադիր կդառնան երկրում գտնվող բոլոր ավտոմեքենաների համար: Միաժամանակ, վճարումների չափը պայմանավորված կլինի ավտոմեքենաների կատեգորիաներով, մասնավորապես՝ մոտոցիկլետների ապահովագրումը կարծեմա տարեկան 75-ից 110 լարի, իսկ մինչեւ 3500 կշիռ ունեցող եւ 8-ից ոչ ավելի նստատեղով քեթեւ ուղեւորատար մեքենայի համար՝ տարեկան 100-150 լարի, 8-ից ոչ ավելի նստատեղով ավտոբուսների համար՝ տարեկան 160-240 լարի, բեռնատարների համար՝ 210-320, կցաայլակների համար՝ տարեկան 50-75 լարի:

Ըստ Վրաստանի ապահովագրական ասոցիացիայի ղեկավար Դեւի Խեչինաշ-

վիլիի՝ խորհրդարանը դեռ չի սկսել այս հարցի քննարկումը, եւ հայտնի չէ, թե երբ օրենքն ուժի մեջ կմտնի:

- Մենք վերջերս աշխատանքային հանդիպում ունեցանք, որի ընթացքում ասվեց, որ օրենքն ընդունվելու է սեպտեմբերին, բայց եւ չիստակեցվեց, թե երբ այն ուժի մեջ կմտնի,- հայտարարել է նա:

Ապահովագրական արդյունաբերությունն առաջարկում է ներմուծել անցումային ժամանակաշրջան «Ավտոմեքենաների պարտադիր ապահովագրության մասին» օրենքի ուժի մեջ մտնելուց առաջին 5 տարի հետո:

Որոշակի փոփոխություն է իրականացվում նաեւ վարորդական իրավունքի հանձնման կարգում: Մասնավորապես, Վրաստանի ներքին գործերի նախարարությունը



նշում է, որ, ճանապարհային եթրեւեկության անվտանգության բարելավման նպատակով, Եվրոպայի հրահանգին համապատասխան, գերատեսչության սպասարկման գործակալությունը մշակել է օրենսդրական փաթեթ, որի շրջանակներում փոփոխվում է՝ վարորդական վկայական ստանալու համար գործնական քննություն հանձնելու կարգը եւ քննության գործընթացին ավելանում է նոր փուլ, որը ենթադրում է իրական ճանապարհային պայմաններում քննության հանձնում:

ՄԻՄՈՆ ԿԻԼԱՉԵ

ՆԻՆՈՇՄԻՆՂԱ

ՇՐՋԱՆՈՒՄ ԻՐԱԿԱՆԱՎՈՂ ՆԱԽԱԳԾԵՐԸ ՊԵՏՔ Է ՀԱՄԱՁԱՅՆԵՅՆԵԼ ՏԵՂԻ ԲՆԱԿԻՉՆԵՐԻ ՇԵՏ

(Սկիզբը՝ 1-ին էջում)

րանաշվիլին, Վրաստանի խորհրդարանի մեծամասնական պատգամավորներ Յենգել Մկոյանը, Կախաբեր Օքրիաշվիլին, Սիմոն Նոգաձեն, Նինոծմինդայի քաղաքապետ Անի Սոտյանը: Քննարկվել են մունիցիպալիտետին վերաբերող մարտահրավերներ եւ բնակչությանը հուզող հարցեր: Պետնախարարի տեղա-

կալի խոսքով, բնակչության հետ հանդիպումները միշտ կարելու են, որովհետեւ խնդիրների հետ անձամբ իրազեկվելու ստույգությունն են ապահովում:

- Բացի այդ, նման հանդիպումներին տեղեկություններ ենք փոխանցում կառավարության կողմից իրականացված նախագծերի վերաբերյալ, խոսում ենք ապագա ծրագրերի մասին: Պետության բյու-

ջեն հիմա է ծրագրվում, այսպիսով, իրականացվող նախագծերը պետք է համաձայնեցված լինեն շրջանների բնակչության հետ, համապատասխանեն նրանց կարիքներին,- ասել է Լիա Գիգաուրին:

Նա խոսեց նաեւ հայաբնակ շրջանում առկա ինտեգրման խնդրի շուրջ:

- Շատ կարելու են պետական լեզվին տիրապետելու

հետ կապված մարտահրավերները: Մենք պետք է մեկ լեզվով խոսենք, այդ լեզուն պետք է լինի պետականը: Այդ պատճառով, մեր կողմից եւս մեկ անգամ, առաջարկվել է պետական լեզուն տարածող, դրանով շփվող շրջիկ խմբերով աշխատել: Նրանք լավագույնս կօգնեն պետական լեզվին չտիրապետող քաղաքացիներին,- նշել է Լիա Գիգաուրին:

ԵՆԹԱԿԱՌՈՒՅՑ

ՎԵՐԱՆՈՐՈԳՄԱՆ ԱՇԽԱՏԱՆՔՆԵՐ ԱՄԱՆՅԻՄԵ - ՆԻՆՈՇՄԻՆՂԱ ԱՎՏՈՃԱՆԱՊԱՐԶԻՆ

Արագ տեմպերով առաջ են տարվում միջազգային նշանակության Ախալցխի-Նինոծմինդա ավտոճանապարհի՝ 14.6 կմ հատվածի վերանորոգման աշխատանքները:

Ավտոճանապարհային վարչության տեղեկությամբ՝ վերանորոգվող հատվածն անցնելու է Գորելովկա եւ ժլանով գյուղերով եւ ավարտվելու է Վրաստան-Հայաստան սահմանի մոտ:

Վարչության տեղեկությամբ՝ այս պահի դրությամբ, իրականացվում են ճանապարհի հիմնանորոգման աշխատանքներ:

Նախագծի համաձայն՝ նախատեսված է առկա վնասված ճանապարհի լիարժեք վերանորոգում: Ընդլայնվելու է առկա ճա-


նապարհի լայնությունը, վերանորոգվելու են երեք երկաթ-բետոնե կամուրջ եւ ջրատար խողովակ:

Նշված ճանապարհից օգտվում են ինչպես տեղի բնակչությունը եւ Հայաստանի ուղղությամբ տեղաշարժվող ավտոմեքենաները, այնպես էլ՝ իրականացվում են տարանցիկ փոխադրումներ:

Նախագիծը ֆինանսավորվում է պե-



տական բյուջեից, եւ դրա արժեքն է 13 808 673 լարի:



ՂՐԴՋՍԱՆ

ՉԵՐԲԱԿԱԼՎԵԼ Է ՆԱԽԿԻՆ ՆԱԽԱԳԱՅ ԱԼՄԱՋԲԵԿ ԱԹԱՄԲԱԵԿԸ

Դրդաստանի ազգային անվտանգության աշխատակիցները ձերբակալել են երկրի նախկին նախագահ Ալմազբեկ Աթամբաեին: Ձերբակալության պատճառ է նշվում այն, որ նա երեք անգամ հրաժարվել է որպես վկա հարցաքննության ներկայանալ քրեական հեղինակություն Ազիզ Բատուկաեւի անօրինական ազատ արձակման գործով: Նախկին նախագահն անտեսել է բոլոր ծանուցումներն ու հայտարարել, որ անգամ «իր ձեռքը չի վերցնի դրանք»: Իսկ հարցերին առաջարկել է պատասխանել հեռակա կարգով՝ գրավոր տեսքով:

Աթամբաեյը Դրդաստանը ղեկավարել է 2011-2017 թվականներին:

ԱՄՆ

ԵՐԵՔ ԶԱՆԳԱԾԱՅԻՆ ՓՆԴԱԿԱՅԱՐՈՒԹՅՈՒՆ՝ ՇՈՐՁ ԵՐԵՔ ՏԱՍՆՅԱԿ ՋՈՐ

Անցած հանգստյան օրերին՝ օգոստոսի 3-4-ին, ԱՄՆ-ում տեղի է ունեցել երեք զանգվածային գնդակահարություն. Չիկագոյում եւ Դեյթոնում (Օհայոյի նահանգ), որտեղ, ընդհանուր առմամբ, սպանվել է ինը մարդ եւ տուժել՝ 33-ը, եւ՝ Էլ Պասոյում (Տեխասի նահանգ), որտեղ զոհվել է 20 մարդ եւ տուժել մի քանի տասնյակ հոգի: Հարձակումից քիչ առաջ՝ տեխասցի հրաձիգը Համացանցում հրապարակել է մանիֆեստ, որում նվիրվածություն է հայտնել աջ ժայռահեղականների գաղափարներին եւ հայտարարել, որ հանդես է գալիս ԱՄՆ «լատինամերիկյան ներխուժման» դեմ: Նրա զոհերի թվում, վերջին տվյալներով, եղել են յոթ մեքսիկացի:

ԻՐԱՆ

ԵՐԿԻՍՈՒԹՅՈՒՆ՝ ՊԱՏՃԱՄԻՋՈՑՆԵՐԻ ԶԵՂԱՐԿՄԱՆ ՊԱՅՄԱՆՈՎ

Թեհրանը պատրաստ է բանակցություններ վարել Վաշինգտոնի հետ, եթե ամերիկյան վարչակազմը չեղարկի Իրանի նկատմամբ սահմանված պատժամիջոցները: Այդ մասին հայտարարեց Իրանի նախագահ Հասան Ռոուհանին:

- Իրանը հանդես է գալիս բանակցությունների օգտին: Եթե Միացյալ Նահանգներն իրապես ցանկանում է երկխոսություն վարել, նա պետք է նախեւառաջ հանի բոլոր պատժամիջոցները,- հայտարարեց Ռոուհանին: Նա նաեւ կարծիք է հայտնել, որ իր երկրի դեմ պատերազմը կդառնա «բոլոր պատերազմների մայրը»: «Իրանի հետ խաղաղությունը խաղաղության մայրն է, իսկ Իրանի դեմ պատերազմը՝ բոլոր պատերազմների մայրը»: Բացի այդ, նա «ռազմավարական սխալ» է համարել ԱՄՆ-ի դուրս գալը Գործողությունների համատեղ համապարփակ ծրագրից:

ՌՈՒՍԱՍՏԱՆ

ՎԱՎԵՐԱՑՎԵԼ Է ՀԱՅԻ ԹԱՆԿԱՑՈՒՄ

2019 թվականի առաջին յոթ ամսում Ռուսաստանի խանութներում հացի գները 7,7 տոկոսով աճել են՝ 2018 թվականի նույն ժամանակամիջոցի համեմատությամբ:

Մեկ տարի առաջ այդ ցուցանիշը կազմել է 2,3 տոկոս: Ընթացիկ տարում հացի գներն աճել են զանազան արագ. սպառողական գների ինդեքսը կազմել է 5 տոկոս:

Ռոսստատի տվյալներով՝ ամենից շատ թանկացել է սեւ (աշորայի եւ աշորայի-ցորենի ալյուրի) հացը, հունիսին դրա միջին գինը կազմել է մեկ կիլոգրամի դիմաց 50,54 ռուբլի: Անցյալ տարվա հունիսի համեմատությամբ՝ աճը կազմել է 9,6 տոկոս: Սպիտակ (ցորենի բարձր տեսակի ալյուրի) հացը թանկացել է 8,3 տոկոսով, գորշ հացը՝ 7,4 տոկոսով:

ՏԱՐԵԼԻՑ

ՕԳՈՍՏՈՍՅԱՆ ԴԱՏԵՐԱԶՄԻՅ 11 ՏԱՐԻ ԱՆՅ

(Սկիզբը՝ 1-ին էջում)

այլ շենքերին տեղակայված դրոշմերը խոնարհվեցին:

- Այս օրը մեծ ցավ, անբուժելի վերք է մեզ համար: Ես խոնարհվում եմ մեր հերոսների հիշատակի առջև,- հայտարարեց վարչապետ Մամուկա Բախտաձեն եւ հավելեց. «Սա ընդհանուր ազգային ցավ է, ընդհանուր ազգային մարտահրավեր եւ վստահ եմ՝ Վրաստանն անպայման կհաղթահարի օկուպացիան: Այս օրը մեծ ցավ է, չսպիացող վերք: Խոնարհվում եմ մեր հերոսների հիշատակի առջև: Միեւնույն ժամանակ, այս օրը այն բանի խորհրդանշան է, որ մեր ազգի համախմբումը, ջանքերը, նպատակներին հասնելը, որը ծրագրված է, եւ մեր բարեկամ երկրների աջակցությունը կլինի երաշխիք, որ խաղաղությամբ ու զարգացմամբ մենք անպայման հաղթահարենք ռուսական բռնազավթումը, եւ Վրաստանը լինի միասնական, հզոր ու հաջողակ երկիր»:

Իր հերթին, Վրաստանի նախագահ Սալոմե Զուրաբիշվիլին, օգոստոսյան պատերազմի 11-րդ տարելիցի առնչությամբ, տարածել է ուղերձ, որտեղ, մասնավորապես, ասված է. «2008 թվականի պատերազմը վրաց հասարակության համար մնում է բաց վերք: Վերք այն ծնողների համար, որոնք պատերազմում կորցրեցին իրենց երեխաներին եւ երեխաների համար, որոնք այս պատերազմի արդյունքում մեծանում են առանց հայրերի:

Որպես գլխավոր հրամանատար, որպես մայր եւ այս երկրի շարքային քաղաքացի, խոնարհվում եմ մեր հերոսների վառ հիշատակի առջև:

Պատերազմը բաց վերք է այն մարդկանց համար, որոնց տունը, հողը, նախնիների գերեզմանը, աղոթատեղիները մնացել են բռնազավթված տարածքում: Չնայած այս ցավին եւ ամենօրյա վիրավորանքին, նրանք շարունակում են հերոսաբար ապրել չփման գծում: Մեր եւ իմ պարտականությունն է՝ լինել նրանց

կողքին եւ հոգալ նրանց անվտանգության համար:

Բռնազավթման դեմ մեր պատասխանը պարզ է՝ ո՛չ ընտելանալուն:

Մենք չենք հաշտվում եւ չենք հաշտվի ո՛չ Քալիում եւ Ախալգորիում վրացիների իրավունքների ոտնահարման, ո՛չ մեր օս եւ աբխազ քաղաքացիների ճնշման եւ ո՛չ էլ նրանց լեզվի ու ինքնության ոչնչացման հետ:

Բռնազավթման դեմ մեր պատասխանն է նաեւ քաղաքական եւ տնտեսական կայունությունը, զարգացման ճանապարհի շարունակումը: Պատերազմը եւ օկուպացիան չփոխեցին մեր ուղղությունը... Հենց սրանում է մեր ամենամեծ ուժը»:

Օգոստոսյան պատերազմի տարելիցի առթիվ հատուկ հայտարարությամբ հանդես եկավ Վրաստանի արտաքին գործերի նախարարությունը Հայտարարության մեջ նախարարությունը միջազգային հանրությանը կոչ է անում Ռուսաստանին պարտադրեւ կատարել 2008 թվա-

կանի հրադարարի պայմանավորոգ ստանձնած պարտավորությունները, եւս կանչել Աբխազիայի եւ այսպես կոչված Հարավային Օսեթիայի անկախության ճանաչումը:

Վրաց-ռուսական օգոստոսյան պատերազմի 11-րդ տարելիցի առթիվ հատուկ հայտարարություններ են տարածել նաեւ ԱՄՆ պետական դեպարտամենտը, ՄԱԿ-ի Անվտանգության խորհուրդը, Եվրամիությունը: Հայտարարություններում Ռուսաստանին կոչ է արվում հետեւողականորեն իրականացնել 2008 թվականին ստորագրած համաձայնագրի կետերը, հարգել Վրաստանի ինքնիշխանությունն ու տարածքային ամբողջականությունը:

Օգոստոսյան պատերազմի 11-րդ տարելիցի կապակցությամբ միջոցառումներ անցկացվեցին նաեւ Ախալքալաքիում, Նինոծմինդայում, Ախալցխիւեում, Ծալկայում, Վրաստանի հայաբնակ մյուս վայրերում:

ՅՈՒՐԻ ԽՈՐԵՆՅԱՆ

ՍԱՀՄԱՆԱԴՐԱԿԱՆ ՆԱԽԱՁԵՌՆՈՒԹՅՈՒՆ

ՆԵՐԿԱՅԱՑՎԵՑԻՆ ԸՆՏՐԱԿԱՆ ՕՐԵՆՍԳՐՔԻ ՓՈՓՈԽՈՒԹՅՈՒՆՆԵՐԸ

(Սկիզբը՝ 1-ին էջում)

նի, կստանա 30 տոկոսի հավելվածար: Ընդ որում, ընտրարշավների ֆինանսավորման վերահսկողությունը կլինի ավելի արդյունավետ, թափանցիկ եւ բյուրոկրատիայից զերծ:

Նախագիծը նախատեսում է նաեւ նախընտրական քարոզարշավի ժամանակ եթերաժամանակի բաշխում: Այս՝ անվճար եթերաժամը քաղաքական կուսակցությունների միջեւ բաշխվելու է արդար ու հավասարաչափ: Անթույլատրելի է, որ մի կողմը իր ժամանակը փոխանցի մյուս կողմին: Հեռուստատե-

սային բանավեճերին մասնակցությունը հավասարապես հասանելի կլինի: Նախընտրական ժամանակաշրջանում քաղաքական կուսակցության կողմից պատրաստված հակազուլավոր չպետք է գերազանցի գովազդային հոլովակի 25 տոկոսը:

Նախագծում ներկայացված է նաեւ ընտրական հանձնաժողովների ձեւավորման սկզբունքը: Այսպես, Կենտրոնական ընտրական հանձնաժողովը եւ բոլոր այդ մակարդակի ընտրական հանձնաժողովները կներկայացվեն 13 անդամներով:

Փոփոխություններն առնչվում են նաեւ ընտրությունների անց-

կացման տեխնիկական հարցերին: Օրինակ, անվասայակից օգտվող ընտրողներն իրավունք կունենան քվեարկելու համապատասխան ընտրատարածքի հարմարեցված ընտրամասում, որի մասին պետք է հայտնեն ընտրությունից ամենաուշը 6 օր առաջ: Յուրաքանչյուր ընտրատարածք պետք է ունենա առնվազն երկու հարմարեցված տեղամաս: Կկարգավորվի քվեաթերթիկի վավերականության ստուգման ձեւը: Քվեաթերթիկը անվավեր կլինի միայն այն դեպքում, եթե ընտրողը ոչինչ չի նշել կամ նշել է՝ մեկից ավելի թեկնածուի:

ԱՇԽԱՏԱՆՔԱՅԻՆ ԽՈՒՄԲԸ ՁԵՌՆԱՄՈՒԽ ԵՂԱՎ ԸՆՏՐԱԿԱՆ ՕՐԵՆՍԳՐՔԻ ՔՆՆԱՐԿՄԱՆԸ

Օգոստոսի 5-ին, Վրաստանի խորհրդարանի նախագահ Արչիլ Թալակվաձեի նախագահությամբ, անցկացվեց ընտրական օրենսգրքի քննարկման երրորդ աշխատանքային հանդիպումը:

Այն անցկացվեց առավել ընդլայնված ձեւաչափով, քաղաքական կուսակցությունների, քաղաքացիական հասարակության եւ միջազգային կազմակերպությունների մասնակցությամբ: Ինչպես նշեց Արչիլ Թալակվաձեն, հանդիպումն մասնակիցների մեկ շաբաթ շուտ առաքվել էր օրենսգրքի նախագիծը, եւ սույն հանդիպմանը ներկայացվելու էին դիտողություններն ու առաջարկությունները: Արչիլ Թալակվաձեի հավաստմամբ, գլխավոր քննարկվելիք հարցը 2020 թվականի խորհրդարանական ընտրություններին, համամասնական ընտրակարգով անցումային արգելաշեմի հստակեցման թեման է: Նա ընդգծեց նաեւ, որ ընտրական օրենսգրքում կատարվելիք փոփոխությունների վերջնական քննարկումը կանցկացվի երկրի խորհրդարանում, աշնանային նստաշրջանի շրջանակներում:

Հանդիպմանը Վրաստանի խորհրդարանի նախկին նախագահ Իրակլի Կոբախիձեն, անդրադառնալով գրոյական արգելազծի թեմային, նշեց, որ, երկարաժամկետ հեռանկարում, երկրի սահմանադրությամբ նախա-

տեսված է ընտրական 5 տոկոսի արգելանիշ: Նրա խոսքով, գրոյական արգելանիշը, ամենայն հավանականությամբ, միայն մի անգամվա կիրառվում կունենա: Դրա նպատակը անցումային ժամանակահատվածի ստեղծումն է: - Բնականաբար, դա մարտահրավեր է քաղաքական համակարգի, հասարակության համար: Բացառված չէ, որ գրոյական արգելանիշի պայմաններում չի հաջողվի ձեւավորել կայուն կառավարություն: Նման դեպքեր նկատվել են մի շարք զարգացած եվրոպական երկրներում: Ընդհանրապես, նման հնարավորություններն առնչվում են համամասնական ընտրություններին: Ամենինչ պետք է ուղղված լինի նրան, որպեսզի նպաստենք քաղաքական համակարգի միավորմանը, բեւեռացման մակարդակը պետք է նվազեցվի: Եթե յուրաքանչյուր քաղաքական սուբյեկտ եւ, ընդհանրապես, հասարակությունը, սույն գործընթացին վերաբերի



պատասխանատվությամբ, այդ դեպքում գրոյական արգելանիշը, ինչպես նաեւ համամասնական ընտրակարգով ընտրությունները հիմնախնդիրներ չեն ստեղծի, ընդհակառակը, կնպաստեն քաղաքական համակարգերի միավորմանը,- հայտարարեց Իրակլի Կոբախիձեն:

Վերոնշյալ հանդիպմանը մասնակից ընդդիմադիր կուսակցությունների ներկայացուցիչները ծրագրում են քննարկվող հարցի շուրջ իրենց առաջարկությունները ներկայացնել օգոստոսի վերջերին: Ընդդիմությունը ծրագրում է իր առաջարկությունները կատարել ընտրական հանձնաժողովների ձեւակերպման, ընտրությունների մասնակից կուսակցությունների ֆինանսավորման, ինչպես նաեւ ընտրադաշինքների ձեւավորման հարցերում:

ՅՈՒՐԻ ԴՊՐՈՍՅԱՆ

ՆՈՐԱՄՈՒԾՈՒԹՅՈՒՆ

ԿԵՆՍԱԹՈՇԱԿԱՌՈՒ ՈՒՍՈՒՅԻՉՆԵՐԻ ԳՈՒՄԱՐԱՅԻՆ ԴԱՐԳԵՎԱՏՐՄԱՆ ԿԱՐԳԸ ՀԱՍՏԱՏՎԵԼ Է

Կրթության բարեփոխման շրջանակներում՝ թոշակային տարիքի ուսուցիչները, ովքեր իրենց կամքով որոշել են դուրս գալ համակարգից, 2019 թվականին պետությունից կստանան մեկանգամյա դրամական պարգև՝ երկու տարվա ընդհանուր աշխատավարձը: Այդ կապակցությամբ՝ «Ուսուցչի մասնագիտական զարգացման եւ կարիերայի առաջխաղացման սխեմայում» համապատասխան փոփոխություններ են ներառվել:

Նշված բարեփոխման իրականացման համար՝ Վրաստանի կառավարությունը հաստատել է հանրային դպրոցների թոշակային տարիքի աշխատող ուսուցիչներին դրամական պարգև տալու կարգը:

Դրույթում նշված է, որ դրամական պարգև ստանալու պահանջ կարող է ներկայացնել հանրային դպրոցի այն աշխատող ուսուցիչը, որը թոշակային տարիքի կհասնի մինչեւ 2019 թվականի դեկտեմբերի 31-ը ներառյալ:

Աշխատող ուսուցիչն աշխատանքային պայմանագրի դադարեցման եւ պարգևի պահանջի համար պետք է դիմում ներկայացնի հանրային դպրոցի տնօրենին:

Այն դեպքում, եթե աշխատող ուսուցիչն աշխատում է մեկից ավելի հանրային դպրոցում, աշխատանքային պայմանագիրը պետք է դադարեցնի բոլոր դպրոցների հետ: Դրամական պարգևն այս դեպքում կհաշվարկվի յուրաքանչյուր դպրոցում ձեւակերպված աշխատանքային պայմանագրի հիման վրա:

Դրամական պարգևի քանակը կազմում է պրակտիկոս ուսուցչի վերջին 3 ամիսների աշխատավարձի միջին թվաքանականը բազմապատկած 24-ով:

Եթե թոշակային տարիքի աշխատող ուսուցիչը՝ դրամական պարգև ստանալու դեպքում, պայմանագրի դադարեցումից 2 տարվա ընթացքում կրկին որոշի հանրային դպրոցում ուսուցչի գործունեություն շարունակել, պարտավոր է բավարարել Վրաստանի՝ «Ընդհանուր կրթության մասին» օրենքով սահմանված պահանջները՝ վերադարձնելով ստացած դրամական պարգևը:

Եթե թոշակային տարիքի աշխատող ուսուցիչը դրամական պարգև ստանալու դեպքում, պայմանագրի դադարեցումից 2 տարի անց, կրկին որոշի հանրային դպրոցում ուսուցչի գործունեություն շարունակել, պարտավոր է՝ բավարարել Վրաստանի «Ընդհանուր կրթության մասին» օրենքով սահմանված պահանջները: (Զվերադարձնելով դրամական պարգևը):

Դրամական պարգևը կտրվի 2019 թվականի ընթացքում: 2019 թվականի մայիսի դրությամբ՝ դրամական պարգև ստանալու ցանկություն է հայտնել 1594 հանրային դպրոցի ավելի քան 5600 ուսուցիչ:

* * *

Կրթության բարեփոխման շրջանակներում, դպրոցներում ուսման որակի բարձրացման համար, կարելու է, որպեսզի աշխատող ուսուցիչը հաստատի նվազագույն իրավասությունը եւ բարձրացնի կարգավիճակը:

Այն աշխատող ուսուցիչը (բացի ոչ վրացալեզու հանրային դպրոցների/սեկտորների աշխատող ուսուցիչներից), որը մինչեւ 2020 թվականի հունվարի 31-ը ներառյալ, չի ստանա ավագ ուսուցչի կարգավիճակ, հանրային դպրոցի տնօրենը, անհրաժեշտության դեպքում, կձեւակերպի ժամանակավոր պայմանագիր, իսկ նշված տեղը կհայտարարի թափուր:

Թափուր տեղում աշխատանքի կընդունվի անձը, որը կբավարարի Վրաստանի՝ «Ընդհանուր կրթության մասին» օրենքով սահմանված պահանջները:

Թափուր տեղում ընտրված անձի նշանակումից հետո, աշխատող ուսուցչի հետ ժամանակավոր պայմանագիրը կդադարեցվի: